



卷五十一

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駙 集解，唐 司馬貞 索隱，唐 張守節 正義
 卷 卷五十一
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

東洋文化研究所漢籍目錄 編號: B1112300
 東洋文化研究所漢籍目錄所藏漢籍善本文影像資料庫 索書號: 貴重-30
 漢籍善本文影像資料庫文本史記一百三十卷 慶長元和間古活字印本
 版權所有: 東京大學 東洋文化研究所
 使用上的注意事項

三皇本紀

補史紀 小司馬氏撰并注

小司馬氏云太史公作史記古今君臣宜應上自開闢下迄當代以為一家之首尾今闕三皇而以五帝為首者正以大戴禮有五帝德篇又帝世皆叙自黃帝已下故因以五帝本紀為首其實三皇已遷載籍罕備然君臣之始教化之先既論古史不合全關近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

荆燕世家第二十一

史記五十一

荆王劉賈

正義曰年表云都吳也

諸劉者不知其何屬

漢書賈高帝從父兄○索隱曰註引漢書則班固或別有所見也

初起時漢

王元年還定三秦劉賈為將軍定塞地

索隱曰即

挑林之塞從東擊項籍漢四年漢王之敗成臯北

渡河得張耳韓信軍軍脩武深溝高壘使劉

賈將二萬人騎數百渡白馬津入楚地

正義曰括

地志云黎陽一名白馬津在滑州白馬縣北三十里按賈從此津南適入楚地也

燒

其積聚以破其業無以給項王軍食而已楚

兵擊劉賈賈輒壁不肯與戰而與彭越相保

漢五年漢王追項籍至固陵

徐廣曰在陽夏○正義曰括地

志云固陵陵名在陳州宛丘縣西北四十二里使劉賈南渡淮圍壽

春

正義曰今壽州壽春縣是也

還至使人間招楚大司馬

周殷周殷反楚佐劉賈舉九江迎武王黥布

兵皆會垓下共擊項籍漢王因使劉賈將九

江兵與太尉盧綰西南擊臨江王共尉

索隱曰共

不許複製

NOT TO BE REPRODUCED

東京大学東洋文化研究所

子教之共尉已死以臨江為南郡正義曰今漢

六年春會諸侯於陳正義曰今陳州也廢楚王信囚

之分其地為二國當是時也高祖子幼昆弟

少又不賢欲王同姓以鎮天下乃詔曰將軍

劉賈有功及擇子弟以為王者群臣皆曰

立劉賈為荆王王淮東五十二城索隱曰表

是又漢書以東陽郡封賈東陽即臨淮故云

王淮東○正義曰括地志云西北四十里蓋

此縣是也高祖弟交為楚王王淮西三十六城正義



曰淮以西徐泗濠等州也因立子肥為齊王始王昆弟劉

氏也高祖十一年秋淮南王黥布反東擊劉

荆王賈與戰不勝走富陵索隱曰地理志縣

曰括地志云富陵故城在楚州盱眙縣東北六十里為布軍所殺高祖

自擊破布十二年立沛侯劉濞為吳王王故

荆地

燕王劉澤者諸劉遠屬也漢書澤高祖從祖

漢春秋田子春說張卿云劉澤宗家也按言宗家似疎遠矣然則班固言從祖昆弟當別

見也有所高帝三年澤為郎中高帝十一年澤以

將軍擊陳豨得王黃為營陵侯索隱曰地理志縣名在北

海○正義曰括地志云營陵故城在青州北海縣南三十里高后時齊人

田生晉灼曰楚漢春秋田子春游乏資以畫干營陵侯澤

服虛曰以計畫干之也文穎曰以工畫得寵也○索隱曰兩家之義並通澤大說

之用金二百斤為田生壽田生已得金即歸

齊二年澤使人謂田生日弗與矣孟康曰與

復與我為與也文穎曰不得與汝相知田生如長安不見澤而

假大宅令其子求事吕后所幸大謁者張子

卿徐廣曰名澤駟案如淳曰閹人也居數月田生子請張卿

臨親脩具張卿許往田生盛帷帳共具譬如

列侯張卿驚酒酣乃屏人說張卿曰臣觀諸

侯王邸第百餘皆高祖一切功臣索隱曰此

例同時也非如他一切訓權時也今吕氏雅故本推轂高帝

就天下如淳曰吕公知高祖相貴以女妻之推轂使為長者贊曰謂諸吕共推轂

高祖征伐成帝業雅正意也○索隱曰雅訓素也謂吕氏素心奉推高祖取天下若人推

穀欲前進塗然也推首昌誰反功至大又親戚太后之重太

后春秋長請呂弱太后欲立呂產為呂王王

代太后又重發之文穎曰欲發之恐大臣不聽鄧展曰重難發事恐

大臣不聽今卿最幸大臣所敬何不風大臣

以聞太后太后必喜諸呂已王萬戶侯亦卿

之有正義曰高后紀云封張卿為建陵侯太后心欲之而卿為

內臣不急發恐禍及身矣張卿大然之乃風

大臣語太后太后朝因問大臣大臣請立呂

產為呂王太后賜張卿千斤金張卿以其半

與田生田生弗受因說之曰呂產王也諸大

臣未大服今營陵侯澤諸劉為大將軍獨此

尚缺望徐廣曰缺音決又音窺睡反今卿言太后裂十餘

縣王之彼得王喜去諸呂王益固矣張卿入

言太后然之乃以營陵侯劉澤為琅邪王琅

邪王乃與田生之國田生勸澤急行毋留出

關太后果使人追止之已出即還及太后崩

琅邪王澤乃曰帝少諸呂用事劉氏孤弱乃

引兵與齊王合謀西漢書音義曰澤至齊為齊王所劫不得去乃說

也○索隱曰漢書齊王傳云使祝午劫琅邪

王至齊因留琅邪王不得反國澤乃說求入

關齊乃送之與此文不同者劉氏以為燕齊

兩史各言其主立功之迹太史欲誅諸呂至

公間疑遂各記之則所謂實錄

梁聞漢遣灌將軍屯滎陽澤還兵備西界遂

跳驅至長安漢書音義曰跳驅馳至長安也

又音條謂○索隱曰跳他彫反脫獨去也代王亦從代至諸將相與琅邪王

共立代王為天子天子乃徙澤為燕王乃復

以琅邪予齊復故地李奇曰本齊地分以澤王澤今復與齊也

王燕二年薨謚為敬王傳子嘉為康王至孫

定國與父康王姬姦生子男一人奪弟妻為

姬與子女三人姦定國有所欲誅殺臣肥如

令郢人如淳曰定國自欲有所殺餘臣肥如令郢人以告之○索隱曰如淳意以

肥如亦臣名令郢人以告定國也小顏以為

定國也按地理郢人等告定國定國使謁者

志肥如在遼西

以他法劾捕格殺郢人以滅口至元朔元年
郢人昆弟復上書具言定國陰事以此發覺
詔下公卿皆議曰定國會獸行亂人倫逆天
道當誅上許之定國自殺國除為郡

太史公曰荆王王也由漢初定天下未集故

劉賈雖屬踈然以策為王鎮江淮之間劉澤

之王權激呂氏索隱曰謂田子春欲王劉澤先使張卿說封呂產乃恐以

大臣缺望澤卒得王故為權激諸呂也然劉澤卒南面稱孤者

三世事發相重豈不為偉乎晉灼曰澤以金與田生以事張

卿張卿言之呂后而劉澤得王故曰事發相重或曰事起於相重也○索隱曰謂先發呂

氏令重而我亦得其功是事發相重也偉盛也蓋盛其能激發也

索隱述贊曰

劉賈初從 首定三秦 既渡白馬

遂圍壽春 始迎黥布 絕間周啟

賞功胙土 與楚為隣 營陵始爵

勳由擊陳 田生遊說 受賜千斤

權激諸呂 事發榮身 徙封傳嗣
亡於郢人

荆燕世家第二十一 史記五十一

齊悼惠王世家第二十二 史記五十二

齊悼惠王 正義曰年表云都臨淄 劉肥者高祖長庶男

也其母外婦也曰曹氏高祖六年立肥為齊

王食七十城諸民能齊言者皆予齊王 索隱曰謂

其語音及名物其於楚魏一云此時人多流亡故使齊言者皆還齊王 齊王孝

惠帝兄也孝惠帝二年齊王入朝惠帝與齊

王燕飲亢禮如家人 索隱曰謂齊王是兄不為君臣禮而乃自亢敵

如家人行兄弟之禮故太后怒 呂太后怒且誅齊王齊王懼